

Naalackersuisut innuttaasut nunaqarfinni isorliunerusunilu najugaqartut nammineerlutik illuliornissamut taarsigassarsinnaanissaminnut periarfissaat pitsanngorsarumallugu kiisalu nammineerlutik illuliornissamut taarsigassarsinissamut periarfissaannik ammaasseqqinniarlugit suliaqarnissaannut peqquneqarnissaannik siunnersuut.

Suliaq naammassineqariissaaq UPA 2024-mut.
(Inatsisartuni ilaasortaq Jens NapätôK´)

Sanaartornermut Ataatsimiititaliap

Siunnersuutip aappassaaneerpeqarneranut

ISUMALIUTISSIISSUTAA

Sanaartornermut Ataatsimiititaliap suliarinninnermini inuttarai:

Inatsisartunut ilaasortaq Kristian Jeremiassen, Inuit Ataqtigiit, Siulittaasoq

Inatsisartunut ilaasortaq Siverth K. Heilmann, Atassut, siulittaasup tullia

Inatsisartunut ilaasortaq Harald Bianco, Inuit Ataqtigiit

Inatsisartunut ilaasortaq Anders Olsen, Siumut

Inatsisartunut ilaasortaq Jens Kristian Therkelsen, Siumut

UPA 2023-mi ulloq 4. maj siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Sanaqataasarnermik aqqissussaaq pillugu Inatsisartut inatsisaat ulloq 3. december 2018-meersoq allangortinneqarnissaa siunnersuummi siunertarineqarpoq. Allanguisoqarneratigut sanaqataalluni illuliornissamut periarfissat annertusissapput tamatumani aamma kommunit ingerlatsiviini aqqissugaanermikkut sanaqataallunilu illuliornissamut qinnuteqaatinik suliaqartoqarnerani pitsanngorsagassaqaarnerisooq Naalackersuisunit misissorneqassaaq. Nammineerluni illuliornissamut taarsigassarsinissamut periarfissannik ammaasseqqittoqarnissaa aamma siunnersuuteqarnermi siunertarineqarpoq.

Illoqarfinni minnerusuni nunaqarfinnilu isorliunerusuni annertuumik inissaaleqisoqarpoq, taamaammallu inissialiortoqarnissaanut piumasaqartoqarnissaa pisariaqarsorineqarpoq. Inissiat pigineqartut ullutsinnut naleqqutinngillat illullu nutarsartariaqarput.

2. Siunnersuutip Inatsisartunit siullermeerneqarnera

Siunnersuut partiinit oqaaseqartunit tamanit tigulluarneqarpoq ataatsimiititaliamillu suliarineqarnissaa innersuussutigineqarpoq. Ineqarnermut aningaasalersuisarnermut aaqqissuussap, tassani sanaqataasarnermik aaqqissuussap maanna atuuttup aamma nalilersorneqartariaqartoq Naalakkersuisut isumaqatigaat.

Ineqarnermut aningaasalersuinermit aaqqissuussap nalilersorlugu aallartinneqarsimasoq, 2023-milu ukiakkut naammassineqarsimanissaa naatsorsuutigineqartoq Naalakkersuisunit ilisimatitsissutigineqarpoq. Nalilersuinermit siunertarineqarpoq, aaqqissuussat pisariaqartinneqartut sorliit nalilersorneqartariaqarnersut paasisaqarfiginissaat, tassani innuttaasut inuiaqatigiillu inuiaqatigiit aningaasaataannik pitsaanerpaamik atuinissaat qulakkeerniarlugu. Tamatuma saniatigut, aaqqissugaanikkut unammillernartoqarnersoq paasisaqarfigineqarnissaa, aamma siunissami aaqqissuussanik aqutsinissaq allanngortinneqassanersoq nalilersuinermit siunertarineqarpoq.

Ataatsimiititaliap siunnersuummik suliarinninnera

3.1 Nammineerluni illuliat

Siunnersuuteqartup ilisimatitsissuteqarneratut siornatigut nammineerluni illuliornissamut taarsigassarsisoqarsinnaasarpoq. Tamannali 1. januar 2018-mi periarfissaajunnaarpoq. Tamanna nammineerlutik illuliariniarneqartorpassuit naammassinngitsoorneqartarnerannik peqquteqarpoq.

Taamaammat Illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersoq atortussanngorlugu inatsit allanngortinneqarpoq.

Illut sanaqataaffiusut sanasumik imaluunniit illuliornermik misilittagaqartumik ataatsimik peqateqarluni sananeqartarput. Sanasoq imaluunniit sanaqataasoq illuliortorlu isumaqatigiissutigisaminnik neqeroorutaasoq malillugu akilerneqartarpoq.

3.2 Illut sanaqataaffiusut

Illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersoq inigineqartussatut aalajangerneqarsimasunik illunik sanaqataaffigisanik sanaartornermut pissarsinermulluunniit taarsigassarsianut atorneqarpoq.

Nunaqarfinni illoqarfinnilu tamani, Ilulissat, Aasiaat, Sisimiut, Nuuk aamma Qaqortoq minillugit, Inatsisartut inatsisaat manna naapertorlugu illunik sanaqataaffiusunik sananissamut imaluunniit pisinissamut taarsigassarsitisisoqarsinnaavoq.

Kommunalbestyrelsi inunnut nammineersinnaassusilinnut aamma illoqarfimmi imaluunniit nunaqarfimmi illumik sanaqataaffigineqartussami imaluunniit sanaartorfigineqartumi inuit nalunaarsorsimaffianni najugaqartutut nalunaarsorsimasunut taarsigassarsitisinnaavoq.

Inuussutissarsiummik ingerlatsiviusumiit imaluunniit ingerlatsiviusussamiit illumik sanaqataanermut taarsigassarsitisisoqarsinnaangilaq.

Taamaattorli illumi sanaqataaffigineqartussami inuussutissarsiutit namminersorfiusut mikinerusunik ingerlatsisunut taarsigassarsitisisoqarsinnaavoq.

§ 7 malillugu kommunalbestyrelsimit taarsigassarsiat ernialersorneqanngitsutut akilersugassaangitsutullu taarsigassarsiaapput. Taarsigassarsiat ukiuni 20-ni akilersugassaapput. Kommunalbestyrelsimit taarsigassarsiat aningaasartuutit uppersarnerqartut tamarmiusut 95 procentii tikillugit annertussuseqarsinnaapput. Qinnuteqartoq aningaasartuutit uppersarnerqartut tamarmiusut 5 %-iannik nammineq akiliutissamik tunniussisinnaassaaq.

Illunut sanaqataaffiusunut taarsigassarsiat pillugit Inatsisartut inatsisaata nr. 28, ulloq 3. december 2018-meersumi § 9 taarsigassarsisunut paasinernerulernissaa ataatsimiititaliamit pingaartinneqarpoq.

Taarsigassarsiat ernialersorneqanngitsutut akilersugassaangitsutullu taarsigassarsiaritinneqartarnerat taarsigassarsisut ilaannit paatsoorneqarsinnaavoq, taamaammallu paragraffip taassuma qanoq paasisariaqarnerata paasititsissutigineqarnissaa pisariaqartinneqarluni.

Taamatuttaaq qanoq qaqugukkullu taarsigassarsiat utertillugit akilersorneqassanersut paasissutissiissutigineqartariaqarpoq.

Nammineerluni illuliornermut aaqquissuussinermi siullermi nammineerluni illuliassat amerlasuut naammassineqanngitsoortarput. Nammineerlutik illuliaagaluit allanit tiguneqarsinnaasariaqarput taamaaliornikkullu naammassillugit sananeqarlutik. Tamanna nalilersuinerlutik ilanngullugu isumaliutigineqartariaqarpoq.

Taamaattumillu nalilersuinnermut ilanngullugu sanaqataalluni illuliat qanoq akikinnerusumik sananeqarsinnaanerannik misissuinerup nalilersuinissamut ilanngunneqarnissaa ataatsimiititaliap kissaatigaa, aammattaaq taarsigassarsitsinermi illutaarnianut naligiimmik atugassaqartitsinissaaq aallaavigiusariaqarluni.

3. Siunnersuutip aningaasatigut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinnerani aningaasaqarnikkut allaffissornikkullu kingunerisassat siunnersuutip tunngavilersuutaani aallaaserineqassasut.

Siunnersuutip piviusunngortinneqarnissaanut aningaasatigut kingunerisassat matumani allanneqarsimani siunnersuummut naapertuunna ataatsimiititaliamit maluginiarneqarpoq, taamaalilluni piareersarluni suliniuteqarnissamut allaffissornikkut aningaasatigullu kingunerisassai AC- fuldmægtigip ukiup ataatsip akissarsiaasa nalinginik 500.000 kr.-nit naammassasut nalilerneqarsimalluni.

Ataatsimiititaliap inassutai

Ataatsimiititaliap **isumaqatigiittup** siunnersuutip akuersissutigineqarnissaa **inassutigaa**.

Taamatut oqaaseqarluni isumaliutissiisummillu allassimasutut paasinnilluni matumuuna ataatsimiititaliap siunnersuut aappasaaniigassanngortippaa.

Kristian Jerimiassen
Kristian Jeremiassen
Siulittaasq

Siverth K. Heilmnn
Siulittaasup tullia

Harald Bianco

Anders Olsen

Jens Kristian Therkelsen